

نومرو : ۷۲

# اجتهاد

اداره خانه

ایستانبول ، جفال اوغلنده

دائرة اجتهاد

Idjtihad Constantinople

دوردنجی سنه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرهامی صفا

آبونه

سنه لك آلتی آیلق

تورکیا ایچین ۴۰ غروش ۲۵ غروش  
ممالک اجنبیه ایچین ۱۰ فرانق ۶ فرانق

نسخه سی ۵۰ یاره

۱۸ تموز ۱۳۲۹



## هفته صبحی

## مخاربه سز مظفریتلر

خیر، حال حاضر دن، سیاستدن بحث ایتیمه جکیز...  
 اویله در، «مخاربه سز مظفریتلر»، شو ایکی کله کورولنجه  
 اک اول عقله کله بیه جک وضع و موقعمزد. مخاربه ده  
 مغلوب اولدق، عجا بوسفر مخاربه سز موفق اوله جقمی یز؟  
 فکر وانیدشسه سی اوزرینه نه سویلنه جکنه انتظار ایتک  
 یک طبعی در. فکری نه ایسه ذکریده او اولمق یالکیز  
 درویشلره مخصوص برخصت دکل در، آز چوق بوتون  
 انسانلر بو طبیعتده در. کورمدکلرینه، یالکیز اسملری  
 ایشدکلرینه مصادف اولانلر اونلره خیاللرنده نصل بر  
 وجود ویرمشلرسه حقیقتده اونی کورمک ایستلر.  
 کورده مینجه شاشارلر... دیپلوماتلرده بویه. وقوعات  
 و حادثاتک، کندی فکرلرینه، ترتیلرینه کوره ظهورینه  
 مترقب اولورلر. عکسی ظهورایدنجه، تلاشه دوشمسه لرده،  
 چار و ناچار یکی خسته بقلره، یکی دوالر آرامق قیدینه  
 دوشرلر... فکرلر، اوت طوغرودر، بر چوق حادثات  
 اجتماعیه ده، پیشداردرلر. نه چاره که بوتون ملتله، ملتله  
 هیئت فعاله سی اولان حکومتلر، بعضاً آنی، ناکهانی  
 تأثیرلر حاصل ایدن حسیات و احتراصاتک سوقنه تابع  
 اولمق دن کندیلرینی آله مدقلری ایچون، وقوعات افکارک  
 اوکنه کچر. ایسته اوزمان دیپلوماتلر پوصله یی شاشیران  
 قاپودانلر دوزر... کیسنی قورتاران قاپوداندر، دیپلوماتلریمز  
 ایچون شو آتالر سوزینک معنای مقصودینه مظهریتی تمی  
 ایدرز، حال حاضره قارشى، المزدن کلن بوتمی.

فقط استقبال ایچون؟.. ساحه افکار نه قدر واقع  
 ایسه ساحه استقبالده اویله. کندی حالمزه کوره، یقین  
 ویا اوزاق، آتیده کی انقلابات اجتماعیه مزى حاضر لایه جق  
 فکرلری آراشدیرمق، وادی افکارده دولاشمق. بونی  
 بر وظیفه دیه تلقی ایتمزه ک. بر لذت در، محبتده زمین

اوله بیلیر.. طاتلی امیدلر اوزرینه کاشانه لر قوره رق بر  
 ذوق دویمق ده انسانلرک کاری در.

آتی ایچون تصور و تخیل ایتمکده اولدیغمز، ایده-  
 بیه جکمز کاشانه سعادت عجا نه اوله بیلیر که؟.. بیلیمز، اویله  
 بر انسان واری که، ظریف و مکلف بر کوشک یاپدیره جق،  
 نفاستله دوشه ته جک، کندینه وعائله سنه بر سعادتخانه  
 حاضر لایه جق بر اقتدارده اولسونده بونک ایچون ییقق،  
 دوکوک خرابه لری، تنکه قابلی، مستکبره اوجکلری،  
 چامورلی دار سوقاقلری، متعفن بریکنتیلری، بظاقلقلری  
 حاوی بر محله آراسون... البت ایسترکه کوشکنی، منتظم  
 یوللری، مطربانچهلری، الکتریق تراموایلری، والحاصل  
 معموریت و مدینتک، اسباب صحیه سیله برابر، بوتون مادی  
 و معنوی احتیاجاتی کافل بر درجه سنه واصل اولمش بر  
 محله سنده قورسون. فکرلری میز استقباله سوق ایله،  
 سعادتلر تخیل ایدرکن، هم عائله لک، هم ده محیط اجتماعی نک  
 رفاه و استراحت، ترقی و کماله دوغر و انقلاباتی، بوکونکی  
 فکرلرک اتیا حادثات اجتماعیه شککنده تظاهراتی امید  
 ایده جکیز. ایسته طاتلی امیدلر!...

بو امیدلری ارباب عرفان تقویه ایدیور، حصولی،  
 ساحه افکارده، احضاره چالیشور. مثلاً ادیب دقیقه بین  
 جناب شهاب الدین بک کچن هفته ایچنده انتشار ایدن  
 «قادینلرمن ایچون» مقاله سنده فاضل محترم جلال نوری  
 بک «قادینلرمن» اثر قیمتدارندن کندینه خاص ظرافتیه  
 بحث ایدرکن: «بزم اصلاحات اجتماعیه مزه جنس تزیهک  
 عتق و ترفیهی ایله باشلاماز و جوبنه هیچ کیمسه بندن  
 ده قوتله ایمان ایتمه مشدر...» دیور. بوکا بزمده ایمان  
 وار. قادینسز عائله اولماز که بر کاشانه سعادت یاپلسون،  
 قادینسز محیط اجتماعی نک صلاح و کمالی، ترقیاتی ده ممکن  
 دکل. بواکانسزلنی اثبات ایدن بوکونکی حالمدر، باشقه  
 اثبات ایسته مز. ینه جناب شهاب الدین بک «بوکون  
 اخوات ملتتمزله یان یانه قویامادیغمز جرأتلر پارین امور  
 جاریه ودها برمدت صوکره برر خاطره، و برر سجل



تاریخ اوله جق ؛ هپ بونلردن امینم . عالم دکیشیور ،  
 عالمده هرشی دکیشیور ؛ بو قانون کائناتک شاذ یکانه سی  
 اولمق اوزره یالکیز بزم قادینلرمن ، سکنه ارض ایچنده  
 بر فئه ضعیفه تشکیل ایدن نسوان اسلام محافظه حال  
 ایده من ... » و « شریعتی قادینلرمنه مانع ترقی و کاسر  
 حقوق اولمق اوزره کوسترمک اسلامیه ایدیله بیله جک  
 افترالرک الشیعی اولور . مذاهب موجوده نك هیچ بری  
 دین محمدی قدر حامی نسوان اولمادی . آیات واحادیثک  
 بخش ایتدیکی نعم صلاحیتدن بنات ملتیزی مستفید اتمه یں  
 زء ، بزم جهلمز ، بزم ظلمتیز ، بزم حق وظالمیتیز ... »  
 دیدکدن صوکره « نه یامالی ؟ » سوانی ، بونک بر مسئله  
 معضله اولدیغی تصدیق ایله ، ایراد ایدیور . نه یامالی ... ؟  
 قادینلریمزی شیمدیلک تنویر و تقویه ایله اکتفای اتمه لی یز ؟  
 اوف ، بو حیات بکله مکه مساعد اولسه یدی بکلرک .  
 ملتیر آره سنده سلاحلی حربلر مدنیتک حال حاضرینه کوره  
 برقچ آی ، هایدی برقچ سنه دوام ایدر . اوتوز سنه ،  
 یوز سنه محارب لینه بدل ، بر کون ، بر ساعت بیله  
 متارکمی ، مصالحه سی غیر قابل طوپسز ، توفکسز بر  
 حرب دائمی وار : حرب اقتصادی . بز بو حرب بر کون ،  
 بر ساعت اول قادینلرمنی اشتراک ایتدیرمه یی دوشونمزسه ک  
 ناصل موفقیتدن امیدوار اوله بیله جکیز ، بوکده بزم  
 عقمیز ایرمیور .

جلال نوری بکک وصایای نسائیونه قولاقلری  
 طیقاش اولمه سنده کی اصابتدن منشرح اولان جناب  
 شهاب الدین بکک انشراح باله دو قونمق حدیمز دکل .  
 چونکه فکر ساحه سنده روحی تلذذلر مقدسدر ...  
 وصایای نسائیونی ده شیمدی شویله بر طرفه براقالم ،  
 فقط مبارزه حیاتیه و اقتصادی ده قادینلرمنزدن بر کون  
 اول معاونت بکله مه یلمی ؟

بر ملت مستحق اولدیغی حکومته مالک اوله بیلیر ،  
 دستوری بو صوک عصرده شو شکله قونولمش در :

بر ملت مستحق اولدیغی قادینلره مالک اوله بیلیر .  
 مادام زانفویل اسمنده بر قادین لوندرده ایراد ایتیش  
 اولدیغی بر نطقده بالقان حربندن بحث ایدرکن ترک  
 عسکرینه آجیوردی ، بر ترک نفرینی نك بر قوت عد  
 ایدیوردی ، متفقلرک اردولرنده کی هر نفرک آرقه سنده  
 مدافعه وطنیه خدمتی بو نفردن اشاغی اولمایان بر قادین  
 کورویوردی و دییوردی که :

بلغار ، صرب ، یونان و قره طاغ قادینلری کویلرنده ،  
 قصبه لرنده هر درلومساعی زراعیه دن باشقه جه ، بو کویلرده ،  
 قصبه لرده علی العاده ارککلرک عهده سنده بولونان بوتون  
 وظائف و خدماتی ایفا ایتمشلردر . متفقلرک اردولرینه لوازم  
 و احتیاجاتی تشدیره بیلمه لرینک سبب حقیقیسی قادینلری  
 اولمش در ... بالقان اقوامنک قادینلری حربک دوامی  
 مدتنجه عسکره مأکولات و مسلحات طاشیمشلردر .  
 ثابت و سیار خسته خانه لرک خدماتنده هر دورلو مشاق  
 و مزاحمه قاتلانمشلردر ...

« فیغارو » محررلرندن بری عثمانلی قادینلرینک  
 بو ستایش صره سنده مسامحه ایدلمه سنی حق و انصافه موافق  
 کورمیور ، عثمانلی قادینلرینک ، بالقان اقوامی قادینلری  
 قدر اردولرینه معاونت ، عسکرک قوه معنویه سنی تقویه  
 ایده مدکارینی تسلیم ایتمکه برابر ، هلال احمدده فداکارانه  
 خدمت ایدن ترک و مسلمان قادینلری حقنده بذل  
 تقدیر ایدن کنیدی آله میوردی ... قادینلر بر ملتک حیات  
 اجتماعیه و اقتصادی سنده بیگانه براقلیرسه ، برر عنصر مفید  
 حاله قونولمازسه ، رقابت عمومیه حیاتیه و اقتصادی ده  
 استحصال موفقیت ایچون چالیشلیرکن ، بقا و موجودیت  
 بو موفقیتیه مقتدر ایکن ، بر ملتک نصفی معطل قالیرسه ،  
 بونک نتیجه سی ضعف و زوال دکلی در ؛ ایشته مسئله  
 بوراده در .

آمریکا جموعه لرندن برنده نشر اولونمش اولان  
 بر مقاله نك شو فقره سی ده شایان دقت در :



## فلسفه - ادبیات

دو قوتور عبدالله جودت بکه

بویوک آدا : ۷ تموز ، ۱۳۲۹

عزیز دو قوتورم ؛

فلسفه و سوسه ؛ ادبیات زهر خولیا ایله کینجلی  
تسمیم ایدن بی لزوم برشی نظریه باقان « ارتوخی » افندی  
ویا بکک صوک اجتهادده کی هفته نامه سی سزک واجتهادک  
مسلككزله قابل ترفیق اولدیغی ایچون نصل اولوبده  
غزته مزده جای قبول بولدیغنه حیرت ایتدم . اگر اجتهاد  
مسلككی دكشیدردی و بعدما فلسفه و سوسه دییه جک  
وادبیاتی بی لزوم عدایده جکسه مقتون فلسفه و خدمتکار  
ادبیات اولان بنده کری خدمت تحریردن عفو بیوریکر ؛  
عزیز دو قوتورم .

تحسین ناهید

جوابز :

فلسفه حقنده کی فکری سویله مومه و شرح ایتمه  
بر وسیله ویردیکیکر ایچین ، تحسین ناهید بک ، سزه  
متشکرم . بو تشکرک عقبنده و فلسفه حقنده نه دوشوندیکمی  
سویله مومه باشلامدن اول سویلنمه سی لازم بیر باشقاشی  
وار : ( اجتهاد ) ک بیرنجی سنجیه سی حریت اجتهاده  
میدان ویرمکدر . بو جهته ( اجتهاد ) ک صحائفده  
کورونن کافه افکار واجتهاد کندی افکار واجتهاد عدا  
ایدیله موله می در .

کچن هفته ( اجتهاد ) ک هفته نامه سی یازان ارتوخی  
افندی نک « فلسفه دنیلن علم و سوسه یه ابتلا مز بک  
درین در » فقره سی هیچ بیر زمان نم فکر و قناعت استجناس  
ایده مز .

نجه ، مفکره فرد ایچین نه ایسه ، فلسفه ده جمعیتلر  
ایچین اودر . مفکره سز بر فرد نه در ؟ نه یه یارار ؟  
فلسفه اقتدار بشرک مساعد اولدیغی مرتبه ده

موجوداتک کنه و حقیقتلرینه مطلع اولماق در . [\*]

[\*] ( فنون و فلسفه و فلسفه سازه لری ) - صفحه ۱۹

عثمانیلرک انقلاب اخیر ، اگر قادنلرک معاوتی  
اولسه یدی ، بک مشکل اوله جق ایدی . قادینلر ؛  
قادینلرکینک کندیلرینه بخش ایدیکی معافیتدن استفاده  
ایتدیلر ، خاقان سابق هر طرفه قورمش اولدیغی جاسوس  
آغلرندن کچدیلر . انقلابی حاضر لایانلر ، قادینلر سایه سنده  
سهولته خبرلشه بیلدیلر ، دور سابق پولیسنک ترصدا  
شدیده سنندن قور تولدیلر . انقلابک موفقیتله نتیجه لشمه سی  
اسباب مهمه سنندن بریده قادینلرک خدمتی در .

بونیه ده باشقه بر بحث عدایده لم . بالقان محاربه سی زماننده ،  
عثمانی خانلرک اظهار و بالفعل اثبات ایتدککری حسیات  
وطن پرورانه لری حقنده کی تقدیرات ایله ده مقتخر اولام ،  
وصایای نسائیونه ده قولاق آصالم ، یا خود آصایالم ، قوانین  
طبیعه واجتماعیه یه مطابق اولان و اولمایان جهتلری زهر لیدر ،  
ایسترتدقیق ایدلم ، ایسترتدقیق ایتمه یلم ، انجق دوشونه لم که :  
قادینلر مزک ، هر شیدن اول ، تنویر و تقویه سنه چالیشمق  
کافیمی ، یوقسه حیات اجتماعیه و اقتصادیه مزده - بوکون  
معطل بر حالده بولونان - مساعی نسوانی مفید قیله بیله جک  
تدبیرلره مراجعت ایتک ، قادینلره ، هیئت عمومیه نک یعنی  
ملتک فعال اللرینی تزید ایله مک ، ملتک نصفی معطلیتدن  
قور تارمق ایچون ، کندیلرینه مسدود اولان ساحه فعالیت  
بر آن اول - وصایای نسائیونی زهر آلود کورن ارباب  
فکر و عرفانمزک مساعده و تنسیب ایده جککری درجه ده  
اولسون - کشاد ایتک لازم دکلی ... یعنی حیات ،  
مات مسئله سی قارشیدنده صبر و تائی ممکنی ... محاربه سز  
مظفریتلر تأمین ایدن فعالیت اقتصادیه یی ، بز ، قادینسز  
باشه چیقاره بیله جکمز دن - بو قدر کچ ، بو قدر زبون ،  
بو قدر قابلیتسز و معلوماتسز قالدیغمز حالده - ینه امید  
وار ایسه ک ایشته اشتراک ایده میه جکمز ، بسلیه میه جکمز  
بوامیددر ...

محمد صادق

